



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Acta Qvaedam, Cvm Epistola Synodica huius Conciliabuli.

urn:nbn:de:hbz:466:1-15256

ANNO CHRISTI 359. legitimi Ariminensis Concilii abrogant, recentiora vero Arimini per vim & metum extorta anteponunt? Ambros. epist. 33. ad Valentium de hac synagoga diaboli suum ferens iudicium, hæc scribit: *Cum iis plane bene conuenit Ariano, qui Christum creaturam dicit, quod etiam gentiles atque Iudei promptissime confitentur. Hoc scriptum est in Ariminensi Synodo, meritoque Concilium illud exhorreo, sequens tamen tractatum Concilii Nicen, a quo me nec mors nec gladius poterit separare.* Vide Baron. anno 359. num. 27. 32. & seqq.

ACTA QVÆDAM, CVM EPISTOLA
Synodica huius Conciliabuli.

*Gesta ubi præuaricati sunt episcopi legati a fide vera, incipiunt.
Eusebio & Hypatio coss. sexto Idus Octobris.*

DVM consedissent episcopi mansionis Nicææ, quæ an-
tehac Vstodizo vocabatur, in prouincia Thracia,
Restitutus, Gregorius, Honoratus, Athenius, Iginus,
Iustinus, Priscus, Primus, Taurinus, Lucius, Musta-
cius, Vrbanus, Honoratus, Solutor. Restitutus episcopus
Carthaginis dixit: Scit prudentia vestra, confacerdotes
sanctissimi, quod cum apud Arimum de fide tractatus
haberetur, contentio sic dissidium fecerat, vt de sacer-
dotibus Dei, immittente diabolo, discordia extiterit, at-
que exinde factum fuerit, vt in fratres nostros ego Resti-
tutus & pars episcoporum, quæ sequebatur Vrsacium,
Valentem, Germinium & Caium, quasi in auctores mali
intellectus sententiam promeremus, id est, vt a nostra
communione segregarentur. Sed quia in cominus positi
vniuersa tractauimus, & vniuersa discussimus; inueni-
musque quod nulli displicere debeat, id est, fidem in his
catholicam, iuxta professionem suam, cui & nos subscri-
psimus omnes, neque vñquam hæreticos fuisse. Et ideo
quia pacis concordia apud Deum res est maxima, placuit
vt communi consensu nostro omnia quæ apud Arimi-
num tractata sunt, in irritum deducantur, & communio
eorum, Deo fauente, integra conueniret, nec quisquam
in dissidium remaneat, quod eos aut maculare possit aut
debeat. Et ideo, vt dixi, quia præsentes sumus, vnu-
quisque debet dicere, an dictum sit, quod prosecutus
sum, & manu sua subscribere. Ab vniuersis episcopis di-
ctum est: Placet: & subscripserunt.

Extant in
frag. Hilar.
lib. 2. pag.
36. & 37.
Baron. ann.
359. num.
33. 34. 35.
Acta Ari-
norum Ni-
cæ.

Quæ sit autem fidei confessio, cui postea subscripterunt, quæ etiam Valens secum in Ariminum pertulit, ex sequenti scripto recognoscis.

Incipit exemplum fidei epistolæ missæ ad Constantium imperatorem a perfidis episcopis.

Epist. præ-
maricato-
rum episco-
porum ad
imper.

Domino merito gloriosissimo, victoriosissimo Augusto Constantio Synodus Ariminensis orientalibus consentiens, id est, *Migdonius, Megasius, Valens, Epictetus, & ceteri qui hæresi confenserunt.*

Inlustrati pietatis tuæ scriptis, maximas Deo retulimus & referimus gratias, quod nos beaueris, intimans nobis illa, quæ cum discursione pietatistuæ facere deberemus; Ne quis Vsiæ, vel Homousii nomina ecclesiaæ Dei ignota aliquando nominet, quod scandalum inter fratres facere solet; plurimum gratulati sumus, quia id quod tenebamus, recognouimus. O nos beatos quibus occurrit tanta felicitas, vt cognitione tuæ pietatis ceteri qui hæc nomina pro Deo & Dei Filio assūmere solent, modum acceperint reuicti. Nos igitur reddentes obsequium clementiæ tuæ, quod coram veritatis status eluxit, quæ quod nesciat vinci, & obtinuit victoram, vt indignum Deo nomen, quod nusquam in legib[us] sanctis scriptū est, iam anullo dicatur. Vnde oramus pietatem tuam, quoniam in eo loco, vbi Synodus gesta est, vnde responsum per nostras legatos dedimus, adhuc detinemur: iubeat nos qui integrum in orientalibus doctrinam retinemus, iam ad nostras plebes dimitti, vt ex hac parte appareant amatores veritatis, qui Deo non mutant nomen, nec cum eis qui peruersa doctrina infecti sunt, diutius nos qui veritatem catholicam tenemus, detineamur.

Vnde impense oramus, domine, pietatem tuam ante Deum Patrem & Dominum nostrum Iesum Christum Deum & Dei filium, facias nos qui subscripsimus sanæ doctrinæ, recedentes ab Vsiæ nomine, te imperante, & iubeads nos ad nostras plebes dimitti, vt latetur ecclesia, quæ immutare nomina Dei & Filii eius non admittit in totum imperio tuæ virtutis & gloriæ, cui tantum diuinitas cōtulit, vt apparet * dicationis sacrilegis iam Vsiæ & Homousii nomina recedant, quæ in diuinis scripturis de Deo & Dei Filio non inueniuntur scripta: Subueni, pie imperator, Dei summi cultoribus: Subueni eis, qui per Christum

ANNO CHRISTI 359. stum Dei Filium, Deum Patrem omnipotentem orant: Subueni eis, qui iudicio tuo deuoti offerunt omnes, qui nesciunt colere nisi Deum Patrem, per Dominum nostrum Iesum Christum gloriae eius Filium. Et præcipe, domine imperator, ad nostras nos plebes remeare, datis literis * ad hunc præfectum prætorii Taurum, quia & nos in prædicatione nominis Dei orientalibus, & tuæ dispositioni plenum reddidimus obsequium * inhære in qua semper tenuimus, iam ad nostras plebes redire debemus. De hac autem re ad archiepiscopos nostros orientales literas dedimus, ut sciant hoc semper tenuisse, & in fide catholica cum ipsis permanere. Domini pietas gloriosissimum te semper & ubique per omnia faciat vindicem, Domine piissime imperator.

SELEVCIENSE CONCILIABVLVM,

In quo a Semiarianis Acaciani damnantur.

NOTA.

* *Seleuciense Conciliabulum.*] Seleuciæ, quæ est vrbs Isauriæ, alias Aspera nominata, & in oriente sita, celebrata est Synodus, codem tempore, quo Arimini in occidente. In qua circiter centum sexaginta episcopi concuerunt, partim Acaciani, id est, Aetianorum consortes, Christum omnis cum Patre substantiæ expertem impie tradentes: partim Semiariani, diuinæ cum Patre substantiæ suo quodam sensu assertores. Ad eamdem etiam sanctus Hilarius Piætuiensis episcopus, iam quartum annum agens in exilio in Phrygia, diuino plane consilio euocatus fuit. Missi sunt ab imperatore duo Comites, qui Synodo interessent. Antequam in confessum iretur, Hilarii fides (quem sicut omnes alios consubstantialitatis assertores catholicos, Sabellianum nominauerant) explorata fuit. Deinde quatuor dierum sessionibus quatuor, Semiariani formulam fidei in encniis Antiochiae constitutam, retinendam esse ac subscribendam definierunt: Acaciani vero contra eam vrbgebant, a qua voces, *substantiæ* ac *consubstantialitatis*, tamquam a Scripturis aliena abeſſent. Qua ratione cum prædicto tempore de fide contendissent, tandem a Semiarianis Acaciani vel Ariani condemnati fuerunt. Absentibus a Synodo excommunicatis, reliquos omnes Arianos sedibus suis abdicarunt. Damnati ad imperatorem Constantinopolim reuerſum appellariunt, nouamque Synodum ibidem congregari pro voto impetrarūt. De qua vide notas sequentis Conciliabuli. Hæc ex Socrat. lib. 2.

Concil. Tom. 3.

Cc

Causa &
tempus Co-
ciliabuli.

Numerus
episcopo-
rum.

Acta Con-
ciliabuli.